



La Val s'è stenté a ribalté le resultat cuntra le Vierschach, dô ester jüs sot tl prüm tēmp.

Avèi la miú sòn les scuadras tles ultimes posiziuns de tlassamënt ne é mai sté saurí por La Val. Insciö era ince stada cuntra le Vierschach, rové adalerch a La Val por la decima de campionat; indî ne á le palê urü rové te rëi. Tla secunda pêrt tôl i ladins la partida tles mans y ribaltëia le resultat.

Le prüm tēmp vëgn scialdi sughé tl mezciamp avversar, mo i atacanc rōia dairé a contlujiun a gauja de n grüm de passaji sbaliá y superfizialité tl jüch. Bele dal mētman é le atacant dl Vierschach che rōia sú dan le un Sepl y prô le palonët che ti gareta ince mo rōia de püch dlungia ia. Sciöche bele dit danfora é La Val che costruësc de vigni sort de aziuns y davagna puniziuns al limit y trates dal ciantun, chilò al tres falé la indere la determinaziun y l'ultim sforz por condüj le palê te sach avversar. Al 38^a se porta spo in vantaje le Vierschach cun n önescmetri, le atacant se porta te area de straufunga y toma a tera sòn en contrast da pert dl defensur da La Val. Le atacant Wisthaler se prejentëia ala trata y trasformëia le önescmetri por le 1 a 0. I padruns de ciasa prô ciamó dan la fin dl prüm tēmp a avalié le resultat mo mēss jí te cabina a mans ötes.

Le pröm temp se rōia sòn le resultat de 1 a 0 por le Vierschach

Tla secunda fraziun rōia te ciamp na squadra cun en ater spirit. Ti prüms vint menüc mēss i avversars se sotmēt ala dominanza di ladins, che rōia bel a avalié le resultat do cater menüc de jüch. Al é Marco S. che se fej lerch da na pert jö y se tira it cuntra porta por vaghé na trata bassa che ti sciampa al portier y rōia bel plan do la linea. Le medemo vëgn püch dô sorví dala crossada de Alex che vëgn abina püch dan porta mo la trata é debla y rōia dlungia ia. Al 70^a le vantaje por La Val, sòn na trata dal ciantun é le defensur avversar che stënta da trá demez le palê, le capitan Stefan é asvelt da ti tó le curan y de tra te porta. Le resultat é rosedé mo la partita ne é indî nia ciamó rovada. Do le vantaje é l'atach da Vierschach che se presentëia sú dan porta ladina, cun na gran parada ti dij Sepl de no ala trata. Marco á ciamó döes ocajiuns d'or por stlù la partida, sòn trames vëgn chësc sorví da Alex cun na passaja filtranta mo vëgn tres arjunt dal defensur denant co ruvé ala trata. Atres gran ocajiuns ne é nia plö da alzé for a y i ultimo menüc se rüva cun la presciun dl Vierschach che chir ciamó le pêr. I padruns de ciasa tēgn indere bót y se tēgn te ciasa trëi punc asuiá.

La Val – Vierschach : 2 - 1

Formaziun La Val: 1. Sepl Kantioler, 2. Egon Frenes, 3. Luca Pescollderung 4. Paolo Vallazza, 5. Ploner Martin, 6. Max Nagler (dal 70^ Felix Nagler), 7. Christian Dapoz, 8. Stefan Sottara - capitan, 9. Marco Sottara, 10. Franz Tolpeit (dal 65^ Michele Campe), 11. Alex Elzenbaumer

Goi por La Val: Marco Sottara al 48^ y Stefan Sottara al 70^

Proscima partida:

La Val süga l'ultima de campionat en sabeda ai 07 de novèmber dales 16:00 a Raas cuntra la squadra de ciasa

[R esultac dles atres scuadras](#)

Insëra, mercuri ai 23 de aurì él gnü sughé l'andata dla semifinala de Copa Provinzia contra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.